

孫真人千金方衍義卷十八

長洲張璐路玉著

南沙席世臣郢客校



大腸腑方

凡七類

大腸腑脈論第一

論曰大腸腑者主肺也鼻柱中央是其候也肺合氣於大腸大腸者爲行道傳瀉之腑也號監倉椽重二斤十二兩長一丈二尺廣六寸當臍右回疊積還反十二曲貯水穀一斗二升主十二時定血脈和利精神

神

千金明堂外臺同難經云長二又一尺大四寸

鼻

遂以長以候大腸

右手關前寸口陽絕者無大腸脈也若少氣心下有水氣立秋節卽欬刺手太陽治陰在魚際間

右手關前寸口陽實者大腸實也苦腸中切痛如鍼刀所刺無休息時刺手陽明治陽在手腕中瀉之

大腸病者腸中切痛而鳴濯濯冬日重感於寒則泄當臍而痛不能久立與胃同候取巨虛上廉

腸中雷鳴氣上衝胸喘不能久立邪在大腸刺盲之

原巨虛上廉三里

大腸脹者腸鳴而痛寒則泄食不化



大腸有寒鶩鶩有熱便腸垢

大腸有宿食寒慄發熱有時如瘧狀

肺前受病移於大腸肺欬不已欬則遺失便利

客於大腸則夢田野

肺應皮皮厚者大腸厚皮薄者大腸薄皮緩腹裏大者大腸緩而長皮急者大腸急而短皮滑者大腸直皮肉不相離者大腸結

扁鵲曰手太陰與陽明爲表裏大腸若病實則傷熱熱則脹滿不通口爲生瘡食下入腸腸實而胃虛食下胃胃實而腸虛所以實而不滿乍實乍虛乍來乍



去虛則傷寒寒則腸中雷鳴泄青白之利而發於腸
氣水根在大腸方見治水篇中大腸絕不治何以知之泄利
無度利絕則死

手陽明之脈起於大指次指之端循指外側上廉出
合谷兩骨之間上入兩筋之中循臂上廉上入肘外
廉循臑外前廉上肩出髃骨之前廉上出柱骨之會
上下入缺盆絡肺下膈屬大腸其支者從缺盆直上
上頸貫頰入下齒縫中還出俠口交人中左之右右
之左上俠鼻孔是動則病齒痛頸腫是主津所生病
者曰黃口乾黣衄喉痺肩前臑痛大指次指痛不用



氣盛有餘則當脈所過者熱腫虛則寒慄不復盛者則人迎大三倍於寸口虛者則人迎反小於寸口

大腸虛實第二

脈二首 方二首 灸法七首

大腸實熱

右手寸口氣口以前脈陽實者手陽明經也病苦腸滿善喘欬面赤身熱喉咽中如核狀名曰大腸實熱也

生薑泄腸湯 治大腸實熱腹脹不通口爲生瘡

者方

生薑

橘皮

青竹茹

白朮

黃芩

梔子仁 各三兩

桂心 一兩

茯苓

芫硝 各二兩

地黃 十兩

大棗 十四枚



右十一味咬咀以水七升煮取三升去滓下芫硝

分二服

衍義

本經言生薑久服去臭氣通神明故千金以之泄

大腸之實熱兼大棗以治心腹邪氣安中養脾平

胃氣通九竅橘皮下氣通神竹茹黃芩梔子清上

熱口瘡地黃芫硝治傷中逐血痺除邪熱通脹閉

共襄推陳致新之功白朮茯苓保守中氣以助諸

藥之力桂心爲祛熱之內應也

治腸中臘脹不消方

灸大腸腧四十九壯

大腸有熱腸鳴腹滿俠臍痛食不化喘不能久立巨
虛上廉主之

大腸虛冷

右手寸口氣口以前脈陽虛者手陽明經也病苦胸
中喘腸鳴虛渴脣乾目急善驚泄白名曰大腸虛冷
也

黃連補腸湯 治大腸虛冷利下青白腸中雷鳴



南京中醫藥大學圖書館藏

相逐方

黃連 四兩

茯苓

芎藭 各兩

地榆 五兩

酸石榴皮 五片

伏龍肝

分三服

右六味以水七升煮取二升半去滓下伏龍肝末

衍義

方下雖言大腸虛冷痢下青白然腸中雷鳴火激

痰動與生薑瀉心湯之用芩連佐乾生二薑同意

此用黃連佐榴皮伏龍肝得寒熱相參之妙榴皮

酸澀茯苓利之芎藭地榆佐榴皮以理血脫方下

雖不治血而治血之義具見言外矣



治腸中雷鳴相逐痢下方

灸承滿五十壯穴在俠巨關相去五寸巨關在

心下一寸

灸之者俠巨關兩邊各二寸半

治腸中常鳴時上衝心方

灸臍中

食飲不下腹中雷鳴大便不節小便赤黃陽綱主之
腹脹腸鳴氣上衝胸不能久立腹中痛濯濯冬日重
感於寒則泄當臍而痛腸胃間遊氣切痛食不化不
嗜食身腫俠臍急天樞主之
腸鳴而痛溫留主之

肛門論第三

論一首

論曰肛門者主大行道肺大腸候也號爲通事命史
重十二兩長一尺二寸廣二寸三分應十二時若
傷熱則肛門閉塞大行不通或腫縮入生瘡若腑傷
寒則肛門開大行洞泄肛門凸出良久乃入熱則通
之寒則補之 虛實和平依經調理 方見二十四卷中

皮虛實

第四

論一首
方二首

論曰夫五臟六腑者內應骨髓外合皮毛膚肉若病
從外生則皮毛膚肉關格強急若病從內發則骨髓
疼痛然陰陽表裏內髓外皮其病源不可不詳之也



皮虛者寒皮實者熱凡皮虛實之應主於肺大腸
病發於皮毛熱則應臟寒則應腑

薤白蒸湯

治皮虛主大腸病寒氣關格方

薤白根葉

切三升

葛蒲葉

切二升

桃葉皮枝

二升

細糠

一斗

秣米

五升

右五味以水一石五斗煮取米熟為度大盆器貯

於盆上作一小竹牀子罩盆人身坐牀中周回四

面將席薦障風身上以衣被蓋覆若欲氣息時開

孔對中洩氣取通身按汗可得兩食久許如此三

日蒸還溫藥足汗用之若盆裏不過熱盆下安炭



火非但治寒但是皮膚一切勞冷悉治之

衍義 蒟藳治寒痺拘急菖蒲通利九竅桃葉辟邪散血

糠米蒸發肉腠其襲作汗之功也

梔子煎 治皮實主肺病熱氣方

梔子仁

枳實

大青

杏仁

柴胡

芡硝各二兩

生地黃

淡竹葉切各一升

生元參五兩

石膏八兩

右十味以水九升煮取三升去滓下芡硝分三服

衍義 肺主皮毛肺熱則皮實故用梔子杏仁柴胡元參



竹葉治外熱石膏芒硝大青地黃枳實治內實

欬嗽第五

論二首 方五十五首
灸法十四首

論曰經云五臟六腑皆令欬肺居外面近上合於皮毛皮毛喜受邪故肺獨易爲欬也邪客於肺則寒熱上氣喘汗出欬動肩背喉鳴甚則唾血肺欬經久不已傳入大腸其狀欬則遺糞腎欬者其狀引腰背痛甚則欬涎腎欬經久不已傳入膀胱其狀欬則遺尿肝欬者其狀左脇痛甚者不得轉側肝欬經久不已傳入膽其狀欬則清苦汁出心欬者其狀引心痛喉中介介如梗甚者喉痺咽腫心欬經久不已傳入小

腸其狀欬則失氣脾欬者其狀右脇痛陰陰引肩
甚者不得動動則欬劇經久不已傳入胃其狀欬而
嘔嘔甚則長蟲出久欬不已三焦受之三焦欬則
而腹滿不能飲食此皆聚於胃關於肺使人多涕唾
而面浮腫氣逆也若順時有風寒冷人觸胃解脫傷
皮毛間入腑臟爲欬上氣如此也有非時忽然暴寒
傷皮膚中與肺合則欬嗽上氣或胸脇支痛欬唾有
血者是其熱得非時之寒暴薄之不得漸散伏結深
喜肺癰也因欬服溫藥欬尤劇及壯熱吐膿血汗出
惡寒是也天有非時寒者急看四時方也問曰欬病



有十何謂也師曰有風欬有寒欬有股欬有肝
心欬有脾欬有肺欬有腎欬有膽欬有厥陰欬
十欬之證以何爲異師曰欲語因欬言不得竟謂之
風欬飲冷食寒因之而欬謂之寒欬心下堅滿欬則
肢痛其脈反遲謂之股欬欬則引脇下痛謂之肝欬
欬而唾血引手少陰謂之心欬欬而涎出續續不止
引小腹謂之脾欬欬引頸項而唾涎沫謂之肺欬欬
則耳無所聞引腰并臍中謂之腎欬欬而引須痛口
苦謂之膽欬欬而引舌本謂之厥陰欬風欬者不下
之寒欬肢欬肝欬刺足太衝心欬刺手神門脾欬刺



足太白肺欬刺手太泉腎欬刺足太谿膽欬刺足陽
陵泉厥陰欬刺手太陵

夫久欬爲痰欬而時發熱脈在九菽

一作卒弦

者非虛也

此爲胸中寒實所致也當吐之

夫欬家其脈弦欲行吐藥當相人強弱而無熱乃可

吐耳欬家其人脈弦爲有水可與十棗湯下之

見下第十

二不能臥出者陰不受邪故也畱飲欬者其人欬不

得臥引項上痛欬者如小兒掣縱狀夫酒家欬者必

致吐血此坐久極飲過度所致也其脈沉者不可發

汗久欬數歲其脈弱者可治實大數者死其脈虛者



必善冒其人本有支飲在胸中故也治屬飲家上氣
汗出而欬屬飲家欬而小便利若失溺不可發汗
出卽厥逆冷

夫病吐血喘欬上氣其脈數有熱不得臥者死寒家
欬而上氣其脈數者死謂其人形損故也脈大而散
散者爲氣實而血虛名曰有表無裏上氣面肘腫肩
息其脈浮大不治加痢尤甚上氣躁而喘者屬肺脹
欲作風水發汗愈

小青龍湯

治欬逆倚息不得臥方

見第九卷
傷寒上

小青龍湯下已多唾口燥寸脈沉尺脈微手足厥

